

Studijski program: Tehnički menadžment- 180 i 240 ECTS

Ciljevi studijskog programa:

Poslovni opstanak na vrlo dinamičnom tržištu zahtijeva ne samo prepoznavanje prilika, identifikovanje rizika i brzo donošenje odluka, nego i spremnost prihvaćanja odgovornosti. U Republici Srpskoj pa i u BiH i širem okruženju tokom proteklih petnaestak godina zabilježeno je zatvaranje više stotina proizvodnih pogona. Samo jedna od deset firmi opstala je na tržištu nastavivši vlastitu proizvodnju. Sa druge strane, četvrtina istovrsnih proizvoda preseljena je iz velikih i srednjih poduzeća u sektor male privrede. Zbog toga procenjuje se da je opseg proizvodnje smanjen za devedeset posto. Takva je situacija posljedicom djelovanja različitih faktora. Iako u "Novoj ekonomiji" mnoga preduzeća brzo rastu i propadaju ne samo zbog niskog nivoa menadžerskih znanja, nego i zbog nedostatka tehničkih i socijalnih kompetencija neophodnih za stvaranje zdrave baze za uspješan, održiv rast preduzeća na zadovoljstvo svih uticajno-interesnih grupa – novi vlasnici za svoju neuspješnost stalno okrivljuju nedostatak odgovarajućeg kadra. Zanimljivo je da se pod adekvatnim kadrom ne navode vrhunski menadžeri nego intelektualci koji posjeduju kako ekonomska tako i tehnička znanja i vještine, a kojih na našem tržištu nema. Njima je de facto potreban kompetentan stručnjak koji će se podjednako snalaziti u proizvodnom i ekonomskom okruženju, koji će biti svojevrsna karika ekonomskog i tehnološkog menadžmenta.

Upravo tome je namijenjen ovaj trogodišnji i četvorogodišnji studij koji je nastao na temelju identifikacije potreba aktuelnog tržišta rada u privatnom i javnom sektoru, te kao odgovor na potrebu cjeloživotnog učenja (obrazovna vertikala) učenika koji su uspješno završili srednjoškolsko obrazovanje (gimnazijsko, ekonomsko, tehničko, umjetničko itd.). Naime, oni su nakon nekoliko godina srednjoškolskog obrazovanja, prepoznali potrebu sticanja stručnih znanja i umijeća iz područja tehničkog menadžmenta.

Tržište rada u cijelome svijetu, a posebno u našim tranzicijskim uslovima, pri vrlo niskom nivou poslovne i tehničke obrazovanosti, pokazuje sve veću potrebu za profilom mladih, moderno obrazovanih i preduzetnički orijentisanih tehnomenadžera i inženjera mašinstva za organizaciju proizvodnje koji su osposobljeni procijeniti ne samo finansijski rizik nego pri pozitivnoj ocjeni i poslovnoj odluci preduzeti sve potrebne postupke i radnje za uspješnu operacionalizaciju poslovnog i proizvodnog plana:

1. za rast i profesionalizaciju malih preduzeća i preduzetništva;
2. za vođenje proizvodnih i servisnih centara u velikim preduzećima;
3. za formiranje i restrukturiranje manjih proizvodnih i servisnih pogona;
4. za vođenje podružnica i servisnih centara multinacionalnih kompanija;
5. za izlazak na strana tržišta i internacionalizaciju domaćih preduzeća;
6. za vođenje servisnih i poslovnih organizacija.

Student koji završi studije prvog ciklusa studijskog programa Tehnički menadžment na Visokoj poslovno tehničkoj školi dobija zvanje:

- Diplomirani inženjer mašinstva za organizaciju proizvodnje- 180 ECTS.
- Diplomirani inženjer mašinstva za organizaciju proizvodnje- 240 ECTS.

Uplata za jednu godinu studija iznosi 2.400,00 KM (može i na više rata)

Uporedo sa studiranjem na ovom studijskom programu, studentima je omogućeno da potpuno besplatno pohađaju Programe osposobljavanja za zanimanja **CNC programer i CNC operater.**

Po uspješnom završetku stručnog osposobljavanja, polaznici dobijaju sertifikat (potvrdu) o stečenim kompetencijama, koji im omogućuje veću mobilnost na tržištu rada